

詞

林

摘

艷

南九宮引

曲分南北自有樂府才已有之矣
曰南北調者豈亦南北人所操之者
不同故調亦異耶然北曲斗入聲
字分入聲打三聲世之人不識
此意乃曰因不厭台殊為可笑若
南詞則四聲俱備今之歌者或北

詞誤作入聲或南詞却改入丙平
上者是此歌多大病因表而出之
時

嘉靖乙酉歲中秋前二日友竹山人書
於竹隱軒中

詞林摘艷

乙集

南九宮目錄

越調山苑紅

暗思金屋配合春嬌

黃鍾畫眉序

元宵景堪題

商調郎神慢

從別後正七夕

黃鍾畫眉序

盛世樂昇平

南呂掛真兒

鸞凰同聘

雙調風入松

聖明君過禹湯

南呂香遍滿

因他消瘦

雙調夜行船序

花底黃鸝

商呂八聲甘州

眠思夢想

商調字字錦

群芳綻錦鮮

越調美中美

日墜西

商調二郎神慢

拜星月

仙呂聚八仙

已到西廂

越調畫錦堂

夏日炎炎

商調金落索

春來艱日長

大石調念奴嬌

大江逝水悠悠

仙呂一封書

擬四換頭

人皆畏夏日

仙呂侍香金童

情寄小詞中

中呂佳人捧玉盤

自沉吟

雙調望吾鄉

燭燭春光

南呂春雲怨

暗想嬌質

商調山坡裏羊

落夕昏鴉成陣

中呂好事近

風月兩無功

商調月兒高

謾折長亭柳

正宮錦亭樂

富春山子陵居

雙調步步嬌

暗想當年

越調綉停針

蕩起商飈

商調一封書

池水泮乍暖

商調一封書

驚一葉墜井

商調一封書

朔風勁透幙

商調三十腔

喜遇吉日

商調綉帶兒擬平樣錦

幽窓下沉吟半晌

商調綉帶兒擬平樣錦

乾坤定民生遂養

黃鍾絳都春

團團皎皎

南呂香遍滿

紫陌紅徑

商調伊州三台令

思量你好辜恩

商調恨更長

這悶懷和誰論

中呂好事近

東野翠烟消

中呂瓦盆兒

教人對景無言終日減芳容

商調梁州序

三百六十先賢留下

商調金落索

河清海晏然

商調春雲怨

壽比南山

正宮鴈過聲

赤帝當權耀大虛

商調二郎神慢

炎光樹

南呂賀新郎

雨歇梅天

黃鍾畫眉序

湖景昼難暮

中呂好事近

和氣回斗杓

越調山苑紅

大明一統錦華夷

丙

南

丁

雙調忒忒令

柳搖金天蕊破蕊

黃鍾畫眉序

花月滿春城

中呂好事近

天氣暖如春

南呂金索掛梧桐

殘紅水上飄

商調恨更長

夏日長薰風蕩

南九宮

目錄終

詞林摘艷卷之二

南九宮

乙集

吳江張祿詳校刊行

○越調山苑紅

題情

無名氏散套

暗思金屋配合春嬌是那點花星照也向這歡娛中
深埋了禍根苗我一從見了那箇妖嬈他便和咱燕
鶯期鳳鸞交鶯鶯只引的蜂蝶兒鬧也恨不的折
損柔條誰承望五陵人可早先能勾了小蠻腰

下山虎

向這芙蓉錦帳配合春嬌說不盡忔憎迅有萬般小
巧割捨了葉損枝殘蕊開辦凋早一樹烟華春事了

是咱思算少又被傍人一覓里撓

二犯閨寶蟾

猛可里祇神廟頰然火燒
驗把藍橋水弁倒計痛
低低道你休得爲我愁煩
因我煎熬多嬌猶兀自恐
咱憔悴潘安容貌越着我
氣冲牛斗恨填滄海怒鎖
霞霄恨薄情

爲恩情傷懷抱追遊宴賞情
分少朱顏鏡裏添老書
齋靜悄不敢展文公家教
但只是磨香翰挽兔毫
纔下筆了便寫出風情
翰林舊草

四般宜

織錦字寄英。秋金昇謝青霄端詳了。雲翰墨越着
我恨難熬。全不寫雲期兩約。但只訴玉減香消。他道
我風流性如竹。搖攧登迅在咱心上。默地拴牢。

怨東均

他那里紅粧殘頓。忘了楚嬌。咱這里青衫濕漸成沈
腰。他那里五淚搵鮫綃。咱這里行里坐里五莧縹緲。
耽煩受惱。是咱離多會少。莫不是普天下相思病我
共他占了。

江頭送別

腌臢悶。腌臢悶。甚時斷絕。懨煎病。懨煎病。甚日醫療。

又不敢對着人明明道只落的夢斷魂勞

余音

眠思夢想如花貌這愁煩誰人知道守着這一盞殘
燈昏沉沉坐到曉

○黃鍾畫眉序

下江南戲文賞元宵

無名氏

元宵景堪題畫堂深沉勝瑤池秦笙歌一派韻美
聲齊畫燭映兩行神仙蘭麝霽一簇珠履翡翠簾捲
香風細人在水晶宮裏

么篇

月華照庭榭萬傾笑葉綻秋水夜迢迢一任盈角頻
次沉醉熱古鼎龍涎歡宴會玉簪珠履和翡翠簾捲

香風細。人在水晶宮裏。

神仗兒

元宵好景。點放花燈。雙雙慢行。牡丹琉璃表。燈。弓鞋
燈。慍慍點着。果然三寸。頭上好箇木香棚。良夜好寒
蓬瀛。

么篇

燈點頭上。甚光景。做得事。直恁般蠢。敢恁無知耻。我
門庭弄許多寒酸。自相輕。怎不交人笑聲。

鬧樊樓

畫堂深沉。綉簾半捲。麝蘭噴寶篆。羅綺香風軟。喧闐
樂奏。奏聲清雅韻遠。

滴滴金

通宵懶把銀燭點。影交光。瑤華遙消。消月色如龜冰。
更澄澄。明月圓。明月正圓。似水輪碾出一洞天。洞天。
一境移來世間。

聞雙雞

我今夜。忻逢正當上元。點花燈在頭上。使人笑喧。我
燈粧得奇妙。不須用蠟燭。只紙撚。似移下一天星。毬萬
點。

雙聲疊韵

多風範。多風範。座列神仙眷。開玳筵。開玳筵。午夜難
留戀。擁翠鬟。擁翠鬟。拚醉眠。又任銅壺漏轉。屋角聲

得。

余音

來朝廣設華筵宴。午夜風光疾如箭。準備踏青賽上元。

○商調二郎神慢

秋懷

無名氏散套

從別後。正七夕。穿針在畫樓。暮雨過。紗窓涼已透。
夕陽影裏。見簇寒蟬。衰柳。水綠蘋香。人自愁。況輕拆。
鸞交鳳友。和得成就。真箇勝似腰跽。醉鶴揚州。

么篇

風流息情。怎比牆花路柳。記待月西廂。和你携素手。
爭奈話別匆匆。雨散雲收。一種相思。分做兩處愁。鴈
來也。音書未有。和前

集賢賓帶公篇

西風桂子香韻悠。奈虛度中秋。明月無情穿戶牖。聽
寒蛩聲滿床頭。空房自守。暗數盡譙樓上更漏。和如
病酒。這滋味。那人知否。功名未遂。如緣未偶。共一箇
眉頭惱亂春心。卒未休。怕朱顏去也難留。把明珠暗
投。不如意十常八九。和

黃鶯兒

霜降水痕收。迅池塘猶暮。穠滿城風雨還重九。白衣
人送酒。烏紗帽。戀頭思。那人應似黃花瘦。和怕登樓
雲山萬疊。遮不得許多愁。公篇

惟酒可忘憂。這愁懷不滯酒幾番。和淚見紅莖相思未休。淒涼怎受。老天知道。和天瘦。和前

猫兒墜

綠荷消索無可蓋。眠鷗碧粼粼露遠洲。飢人無力冷颼颼。和愁早知道。宋玉當時頗覺傷秋。么

一簇紅蓼相映白蘋洲。傍水芙蓉兩岸秋。想他嬌艷倦凝眸。和前
么

無情紅葉偏向御溝流。詩句上分明永配偶。對景觸目恨悠悠。和前

余音

一年好景還依舊。正橘綠橙黃時候。強把金樽開懷
斷送秋。

○黃鍾畫眉序

元夜

無名氏散套

盛世樂昇平。萬國衣冠仰荷。皇明喜元宵節令。普
天交慶。遍六合感沐天恩。盡四海皆歸王命。和
大明一統家邦。盛巍巍萬國相承。么

禁苑點點花燈。綵結鰲山。勝蓬瀛。見瑤天風淨。萬里登
清。花燈燦萬顆。珠璣寶月照一輪。金鏡。和前

神仗兒

春滿鳳城。喜慶新正。歡傳笑聲。此生臣民何幸。照樓

臺銀花火樹上下相映看社火尽施呈聽絃管奏和
鳴 么篇

同賞 皇都上元景。值佳節應瑞徵。聖德寬恩體配
清冥。禁弛金吾任夜行。喜通宵遊勝境。

鬧樊樓

語笑歡聲貫喧市井。任銅壺促轉更。玉殿排宴請君
臣同樂。萬萬年享太平。

滴滴金

乾坤四維清光映。普天下樂生成。闌闌一派音韻
美。奏笙歌徹玉京。餘音更清。見燈光裏舞袖輕。咲

近富貴繁華內庭

聞雙雞

正龍飛九五運當泰亨。保鴻基億萬治化大成。
聖皇謙恭剛正。忻當大有年。時逢美景。一任教瑤天。
銀河瀉影。

雙聲疊韻

添清興添清興。玳筵交相慶。開筵開筵。沉醉拚
酩酊。五穀登四海寧。荷聖明願吾皇萬壽永祝
遐齡。余音。

年年此日同歡慶。三五燈宵節令。日月光輝永大明。

○南呂掛真兒

閨情

無名氏散套

鸞鳳同聘。尋思那時。忒志誠。誰信今番。心不定。頃將人來。薄倖。可憐無限情也。似紙樣輕。把往事空思省。

懶畫眉

花開花却悶如醒。日遠日疎冷似冰。眼前光景總淒情。漫水流花徑。庭院黃昏門半扃。

掛梧桐

謾交人憶。茂陵調琴。誰共聽。少箇知音。斗帳沉烟冷。孤眠是苦。怕良宵永。這樣淒涼。如何交我捱到明。心腸總然如鉄硬。苦也思量。撲撲簌簌淚傾。

浣溪沙

誰慣經。害相思病。愁只愁。枕閑衾剩。兩三盃酒全無
興。空交我十二闌杆。獨自凭心。耿耿想起。虛脾情耳
邊。那取真本蘭亭。

劉潑帽

對景。對景無心詠。倦時聞枝上流鶯。如何喚得春醒
醒。羞對益屏。花間翡翠雙雙並。萬慮生。獨守着房櫳
靜。秋夜月。

思餞行。思餞行。親把香醪贈。一曲琵琶陽關令。春衫
上淚濕。君曾搵。番成做畫餅。似銀瓶墜井。

東甌令

人何在。夢難成。水遠山遙不計程。雕鞍寶馬無蹤影。
他那裏。胡行徑。朱顏綠髮易凋零。無奈痛傷情。

金錢花

想你掩耳偷鈴。爲你緘口如瓶。待君歸。乞細評論。夫
妻債。鴈同鳴。歡會事。鳳和鳴。

余音

金釵鈿盒重新正。翠被香溫叙舊情。鮫綃帶綰重再整。

○雙調青納襖

詠金臺八景

無名氏散套

聖明君過禹湯。聖明君治道章。萬國來賓托賴着。

皇上忠臣每保江山定四方。普天下皆仰望。遍乾坤
文化廣。文化廣。一齊的舞蹈揚塵。萬歲山呼都祝讚
當今帝王

風入松

大明朝一統靜封疆。君賢明勝治堯唐。黃童白叟皆
歡暢。軍民樂天下寧康。寰宇內稱臣讚揚。皆納土盡
伏降。江兒水

京國繁華之地。寰宇錦綉鄉。論金臺八景。天下無双。
萬方皆共仰。景物非常。四時遊賞。看萬仞居庸疊翠。
堪寫入在圖畫上。

銷金帳

蘆溝曉月。萬里清輝朗。西山霽雪如玉粧。觀玉泉垂
虹流千丈。遊人賞玩。賞玩詩吟道傍。瓊島春雪瑞氣
相飄蕩。風吹太液。晴波滉漾。

鎖南枝

祥風蕩。化日長。金臺晚照燭四方。民物樂時康。梯航
盡歸向。歌謳讚揚。薊門飛雨。霧迷雲漲。則聽的處處
歡娛。絃管聲嘹唳。捧玉觴。斟蔗漿。俟今生共歡暢。

余音

帝京鞏固山河壯。皆仰賴。

聖明皇上親明香拜謝吾皇。

○南呂香遍滿

春情

皇明陳大聲

因他消瘦春來見花真箇羞羞問花時還問柳柳條
嬌且柔絲絲不綰愁幾回暗點頭似嗔我眉兒皺。

懶畫眉

無情歲月去如流有限因緣不到頭懨懨鬼病幾時
休綉戶輕寒透十二珠簾不上鉤。

梧桐樹

黃鶯似喚儔紫燕如呼友浪蝶狂蜂對對還尋偶無
端故把人儂憊一片身心如何教我得自由梨花暮

雨黃昏後靜掩重門只與燈兒厮守

浣溪沙

我容貌嬌他年紀幼那時節兩意相投琴心宛轉頻
挑逗詩謎包籠幾和酬他去久有些箇風聲兒未真
實見人須問箇因由

劉潑帽

浪遊那里青驄驟向吳姬賣酒爐頭烏絲醉寫偎紅
袖厮逗遛一霎兒全忘舊

癸夜月

恩變做讐頭忘了神前咒耳畔盟言皆虛謬將他作

念他知否。他待要罷手。我何曾下口。

東甌令

難消悶恁。忘憂抱得秦箏上。翠樓絃聲曲意都非舊。
淚濕了春衫袖。青山疊疊水悠悠。何處問歸舟。

金蓮子

表記留香綃半幅。詩一首。做一箇香囊。光緊收。怕見
那綉鴛鴦。一雙交頸睡沙頭。

餘音

等待他來時候。薰香重暖舊衾稠。往事從頭一筆勾。
○雙調夜行舡序

玩江樓戲文遊春

無名氏

花底黃鸝聽聲聲一似喚人遊戲東風里玉勒雕鞍
爭馳佳時日暖風和偏稱對景芳拾翠遙指隱隱杏
花村深處酒旗搖拽

又

迤邐曲逕芳堤競香塵不斷往來羅綺亭臺上擊管
繁絃聲齊雙飛蝶舞花枝鶯轉上林魚遊春水芳菲
點榆萬花中昨夜海棠開未

闌寶蟾

堪題綠柳陰中見鞦韆高掛綵繩飛起是誰家仕女
雙蹴喜戲相宜奇花映粉腮輕風蕩袖衣動情的正

是遊入牆外笑聲牆里。

又

聽起春色三分怕一分塵土二分流水。向花前共樂
莫負良時歌妓。低低唱小詞雙雙舞。折枝可人意。間
竹苑花相映。小橋流水。

錦衣香

芳草池魚遊戲。翠柳堤人遊戲。只見仕女遊人暮天
席地高挑一架。開竿兒深深步入杏塢。苑溪對良辰
美景。想蓬萊也只如是。休把閑愁記。且拚沉醉。光陰
迅速。人生能幾。

漿水令

正相同尋芳未已。柰紅輪已覺墜西。海棠枝上子規啼聲聲是他喚着春歸。花陰下人似蟻。花藤轎兒雕鞍騎。相隨趁相隨。趁風流最宜拚。沉醉拚沉醉扶歸。

餘音

今宵共約同歡會。先交從人歸去。安排辦了筵席。

○南呂八聲甘州

翠閣情此詞俚俗因時擬演故載於此無名氏散套

眠思夢想空使奴朝夕雙眉不展。和他恩愛指望。尽老團圓。誰知去後沒信息。又爭柰水遠山遙。途路長。冠不帶。懶掠粧。何時得見有情郎。花如錦。柳帶烟。玉

樓人醉杏花天。

傍粧臺

杏花天。我只見佳人才子蹴鞦韆。忽聽的鶯聲細。好
交我悶難言。羞見蝴蝶舞。懶覩雙飛燕。尋思起。只告
天。薄情一去又經年。

八聲甘州

歎光陰迅速如箭把奴家錯過了。朱顏沒情沒緒沒
撩亂。怎生消遣。粧臺懶傍。慵畫眉。針線箱兒懶去拈。
肝腸斷。眼望穿。別郎容易見郎難。榴噴火。暑氣炎龍。
舟駝鼓。鬧喧天。

傍粧臺

鬧喧天。我只見輕搖紈扇採蓮舫。驚起鴛鴦睡。折散
並頭蓮。鴛鴦共鴛還一處。心上人何時見。尋思起。只告
天。未知他在何處。難把信音傳。

八聲甘州

花牋寫幾行。要付與不知他在何方。巫山雲雨何日
再得成雙。孤幃展轉難捱到曉。端的是寂寞偏嫌更
漏長。朦朧睡裏見郎。又被風吹鐵馬響。玳瑁金風動。
葉漸黃。又還新酒菊花天。

傍粧臺

菊花天。總有香橙紫瓣。獨自一箇怎排遣。忽聽的賓鴻叶。聞砧杵搗聲喧。忽然的蛩哀砌。心上心何時見。尋思起。只告天。夢覓無路到君邊。

解三醒

恨奴家命衰時蹇。致令的被他拋閃。藍橋路阻無由見。這音書仗托誰傳。料應他只在灤江上。猶恐怕落在誰家。飛杏園。無由見。重會面。菱花擊破甚時圓。傍粧臺。鴛被寒。蘆花飛下九重天。

傍粧臺

九重天似這般。衾寒枕冷。獨自箇怎生眠。喟一口長吁氣止。

不住淚漣漣。難捱更長漏永。把往事思量遍。尋思起。只告
天。未知何日。祇心間。
餘音

對蒼天頻作念。何時重會。效鵲鸛。免使求神去卜籤。

○商調字字錦

四季閨情

無名氏散套

群芳綻錦。鮮香逐東風軟。鶯黃轉巧聲。題起傷春怨。
觀名園。杏障桃屏。桃屏上。映着柳眉翠。鈿天天。苑花
暗約。恰似去年。因何去年。去年人不見。和空感。破兩
眉翠。鈿。奈。奈山長水遠。他在那里。和誰兩箇歡歡喜
喜。咱這里。思。想。尋尋覓覓。欲待見他一面。
公篇
梅黃雨霽。天漸覺。南薰轉。聲聲噪柳。對對飛梁燕。

盼庭前。照眼葵榴。葵榴上映着紅顏。似燃鴛鴦並頭。
計人可憐。教咱共誰共誰同歡宴。和前

賺

誰緒慊慊。奈少箇人兒在眼前。空嗟怨。不知何日再
團圓。淚連連。極目關山隔霧前。寫下花牋誰與傳。心
事無告托。冤家直恁誤人方便。怎生消遣。

滿園春帶么篇

南樓外。鴈翩翾。悄沒箇信音傳。長空敗葉飄飄舞。金風
動鐵馬兒聲喧。少意外透銀蟾。和想殺人也天。盼殺人也天。
短命冤家。音稀信杳。莫不是誤約盟言。○彤雲布。

朔風起。遍長空。柳花飄綿。幾朵早梅開放。藥銷金帳。
共誰兩箇。歡宴獨自箇。守爐邊。想殺人也天。和前
尾聲

終須有日重相見。相見後依然歡宴。辦炷明香謝天。

○美中美

晚景思情

日墜西。人漸稀。深林裏却又早。遠觀歸鴉兒。又飛村
庄裏。卻又早。半掩了柴扉。大兒聲聲吠起。我則見這
野叟樵夫。他那裏携斧迴。牧童跨犢。簇簇厮歸。遠望
月上得這山頭也。交我行步步催。山深無奈樹烟盡。
迷在這程途裏。百種恹惶却。交我怎受持。

下山虎

歸來莫問看他分說害的我伶仃瘦你心似鉄只教
他跪倒殘更柳稍上月管教他曲膝上須見血劉待
忍暫時歇整整思量了五六箇月女伴每店不敢說
待把金錢問卜又恐怕漏泄。

尾聲

千金駿馬歸來寶鞍初卸把我受過淒涼從頭慢慢
說。

二郎神慢

拜亭

無名氏

拜星月寶鼎內明香滿爇只願我拋閃下男兒疾較

夢得再親同枕同悅。我這裏悄悄的輕將他衣袂拽。
姐姐却不道小鬼頭春心動也。那嬌怯無言。俛首紅
滿腮頰。

鶯轉過林春

我這裏亂掩胡遮事。到兒今漏泄。姊妹心腸非見別。
夫妻事莫不有夢週拆。教我難推怎阻。我星星對伊
仔細後頭說。他姓蔣名世隆。中都路家。是我兒夫受
儒業。

又

聽說罷姓名和家鄉。那情苦意切。悶海愁山在我心。

上撇不由我泪珠流血。交我恹惶是正理。你只不合此愁。休對愁人說。你啼哭是為何因由。莫非你是我兒夫舊妻妾。

又

他須是瑞連的親兄。為軍馬間別散。失忙尋相應者。那時節。只爭一箇字兒差別。比着先前和你又親。我和你自今子。妹着疼熱。你休隨着我的根脚。又矣。後但只做我兒夫那枝葉。

又

我須是你的妹妹。又是姑姑。你須是我的尊嫂。又是

姐姐未審家兄和你因甚別。兩分離是何時節。正是
寒冬冷月。都只為狼爹爹拆散在招商舍。思量痛苦
心酸。那其間染病耽疾。是我兒夫教我怎割捨。

四犯黃鶯兒

他直恁太情切。你十分心軟怯。眼睜睜怎忍相離別。
你枉自怨嗟。他無計可設。當不過他搶來推去。望前
拽。意似蜿蜒蛇性。似蝎螫。一言如何訴說。

又

流水也。侶馬和車。頃刻間途路賒。他在窮途困旅誰
擡貼。囊篋又竭。藥餌又缺。他那里悶懣懣。怎捱如年。

夜寶鏡分破寶簪磨折何日重逢再接

尾聲

自從別後信音絕。這些時。魂驚夢怯。煩惱憂愁。將盡也。

○聚八仙

南唐麗記

已到西廂。將咱厮候落。教人埋怨。到今其時。潛過牆。局荒唐。錯認做了定盤星。寂寞羞歸。何忍。怎想詩中。藏那箇機倖。全不省。琴中意。琴內情。把咱厮調引。使咱憔悴損。自迷做了箇無情鬼。我便落那箇得甚。我便到冥冥中。好友攀下您。問春花有那曾辜負東君。

物芝蔴

塗路

崎嶇去路賒。見疊疊幾簇人烟。風景佳。遣人停佳馬。
扁舟一葉。丹青圖畫。一抹翠雲掛。遠霧罩汀沙。見白
鷺數行。飛見人也。驚起入蘆花。小舟釣艇。收綸入浦。
弄笛相和。動人萬般。凄楚離情。怎趣。偶覩前村水邊
人家。畫橋風颭。酒旗斜。好買三盃。消遣倦煩。西山日
漸沉。此際當不過暑氣炎。宜趲步早去。尋安下。將相
閉柴門。牧童歸草舍。古寺鐘敲數聲。野水無人渡。

尾聲

綠楊影裏新月掛。孤村酒館兩三家。借宿今宵一覺。

呵。

○畫錦堂

王祥戲文

夏日炎炎執手話別空帋簾枕清幽。爍石流金。酷暑
惱人時候。清晝好向河朔排宴飲。暗思昔日碧筒酒
分鴛偶。今夜向草廬中孤帋兩情獨守。

又

欣有照眼葵榴。萱草弄金。沿堦上細草新抽。君往園
中。須是小心看守。擔憂倘着失落。甘背打。恐怕娘意
不濟流。分鴛偶。今夜向草廬中孤帋兩情獨守。

醉翁子

聽剖為母親我功名懶求。他日裏名字穩覆金甌休。
憂錦衣學取斑衣承舞袖。得志後。管取向新築沙堤。
步入龍樓。

尾聲

園中作別應不久。等一月兩旬時候。絃斷再整重修。

○金落索

題情

春來麗日長漸覺和風蕩。欲記臨行爛熳。莖花放倏。
忽柳絮飛過炎光金井梧飄。即漸涼。相將半載分離。
去。却怎生音信全無。紙半張。傷情處。嘹嘹歷歷鴈兒。
過南窗。聽一聲聲淒淒涼涼。恹恹惶惶。又天天也愁。嗟。

在我這眉尖上。

香歸羅袖

金爐香冷。銀缸燈盡。離人怕到黃昏。又早黃昏光景。
怨孤眠。鳳幃愁歎鴛鴦枕。欲圖一覺。捱他寒更。陽臺爭
奈夢難成。更有相思令。心歸門里。放秋上心。問道思
量甚。我便只思量着那箇人。

念奴嬌

大江逝水。悠悠萬頃。茫茫東去。不息浪汲汀沙。則是
淘盡了千古風流人物。聞說都到西邊。鬼鬼赤壁。故
城石疊。舊三國人何在。山高月小。水涸石出。

燈月交輝

昨宵夢覺。聽門外。玊珠洒。漸覺無聲。墜萬家。對良辰。
爭似我。曉來時。推起窗紗。歡笑大。慶說些情話。休歸去。
那雪兒。揚揚正下。那雪兒。揚揚正下。

喜梧桐

冬景佳。堪圖畫。我則見。遍滿長空。瑞雪紛紛下。都向
暖閣紅爐。泛流霞。一色瓊瑤。萬樹林梢。掛踏雪沽酒。
添高價。

尾聲

樓臺粉砌。迷鴛瓦。聽撒撒。更敲窓打。美酒羊羔。勝飲

泰。

○一封書

納涼

人皆畏夏日。我愛炎天暑氣嘉。凝眸處可誇。簞成竿。
葵破萼。雲簪奇峯千萬朵。榴簇紅巾三四花。亂蟬鳴。
雨繞過。青草池塘處處蛙。心蟠誰似我。時觀雙燕舞。
簾幕和涼亭上。伊共我相對相勸泛流霞。

皂羅袍

轉眼誕賓節屆。奈清和天色。暑氣不覺得。高歌處且。
高歌。良辰美景休孤負。蘭堂初試共纏彩索。菖蒲角。
黍。吾供宴酌不妨選摘枝頭菓。

和前

勝葫蘆

蔦地香來甚處花。薰風蕩池荷。我則見戲水鴛鴦成
交頸。來來往往。驚起遊魚。兒泛碧波。堪觀處。臨水閣。
採蓮人和採蓮歌。和前

樂安神

晚來浴罷。臨風對月。輕撥琵琶。佳人應笑。隔窓紗。時
後暗裏傳情話。報到今宵好。涼似夜來多。趁取于飛
樂。花前醉酒。味佳樽前。何用攪風車。和前

尾聲

笑同入紗幮。卧風軒水閣。且蹉跎。玉骨冰肌。事事可。

○侍香金童

寄別

情寄小詞中。人立西廂下。盼不到巫山楚峽。則這能
對付紅娘。迤逗咱。因相思害殺了。嬌娃鴈呀呀對月
窻紗。一弄兒淒涼沒亂殺。寒更正撒曉雞啼罷。成樓
中畫角品梅花。

傳言玉女

張生病久。漸昏鴛鴦。金榜無名。青霄路有。送陽關滿
斟着別酒。未飲淚先流。厭此離別。願相守。拋撇下西
廂吟詠女。嬌羞。相思病兩邊迤逗。奴懷憂悶。尔懷愁
乍離別。拆盡郵亭柳。自從他去後。雨淚凝眸。改盡容

顏怎禁憔悴。

月裏嫦娥

淒楚情懷好。交我珠淚盈腮。離情鎮日愁深似海。幾時能勾兩處和諧。從他去後。經多載。誰承望地。久天長。只恁的放狂乖。歡娛相見。想着他淚滿香腮。

餘音

前生少欠相思債。但只願同歡相愛。且把眉兒展放開。

○佳人捧玉盤 憶別

自沉吟。別來久矣。無信音。想着他便淚盈盈。陽關送別。說叮嚀。他說到是無半月。便回程。到做了風裏揚。

詞一
乙亥
花水上萍。只恁的輕狂性。把這情書。摺怎成。孤幃教
我愁怎禁。都做了蝴蝶夢。

天仙子

水調數聲持酒聽。午醉醒來愁未醒。送春春去幾時
回。臨晚鏡。傷流景。往事後期空記省。沙上並禽池上
暝。雲破月來花弄影。重重翠幕遮燈。風不定。人初靜。
明日落紅映滿途。

金錢花

曾記臨行。虔心亦亦寧。水雲等。思前事。各辨志誠。更長
漏永夜沉沉。

尾聲

只恐西風送秋聲。梧桐敗葉涼夜冷。唧唧蛩聲不暫停。

○望吾鄉

四景

爛熳春光粧成錦綉鄉。嬉遊綺陌人來往。覩他鶯燕迷花柳。聽簫鼓鳴街巷。三春景。宜共賞。休負了名園上。

傍粧臺

晝初長。我只見唧泥雙飛來。往燕兒忙。高柳咽蟬聲。細堆角黍慶端陽。見十里湖光景。菡萏花開放。三伏

景宜共賞。休負了涼亭上。

解三醒

起金風透簾珠幌。井梧飄露華淒爽。庭前桂子香飄蕩。正風雨近重陽。羞把黃花亂插。端的是勾引西風入髮傍。三秋景宜共賞。休負了龍山上。

調角序

野梅開橋邊水傍。凍雲垂雪花飄蕩。望江湖飛禽隱蔽。看青山萬層疊障。慶佳祥。低低唱。泛霞觴。畫堂謾設銷金帳。三冬景宜共賞。休負了歌樓上。

尾聲

洞雲垂雪花揚。裁冰剪雪獻禎祥。萬里瓊瑤似玉粧。

○春雲怨

悔恨

暗想嬌質。使卑人洞垂。交我埋怨誰。他把這山盟曾
設海誓。頻題誰承望。他到有了。別的思想當初。只為你
交我弃子拋妻。到如今悔後遲。自思只恁般忘恩義。
青天湛湛難欺。

三春柳

尋思最怕黃昏雨。我這里獨守香閨。只怕銅壺玉漏
漫凝的珠泪垂。傷情處。直恁般悞我。千般喬樣勢。你
便下的忘恩義。但願早早交人如魚似水。

醉羅歌

畫閣畫閣燈挑盡。翠被半擁夢難成。暗想當年成蟾
蜍。玉兒多丰韻。塵腰鸞鏡也。只為恁。離愁萬種也。只
為恁。離愁萬種。紫方寸。羊華簪只到今。折梅獨寄龍
頭人。

尾聲

轉思量情難忍。顛鸞倒鳳。謾勞神。自恨當初忒認真。

○山坡里羊

晚景

落夕昏鴉成陣。竹籬茅舍人靜。馬蹄兒吃。蹬蹬轉
過轉。過黃花徑。旅況增情懷。有四星。烏靴緊貼緊貼。

葵花鏡。舉轡加鞭。不暫停。多行一程。又一程。逡巡
長亭共短亭。

水紅花

兀良一黛遠山青。晚風輕。長天人靜。我則見這呀呀
寒鴈。叫了兩三聲。蓼花汀。黃蘆相映。向這白蘋州畔。
一點打魚燈。碧熒熒。伴籠明也羅。

皂羅袍

趲行天色將暝。見雲迷遠岫。暮景偏增。敗葉飄飄舞。
風輕。驚飛宿鳥。棲不定。風清月朗。情懷怎禁。馬遲行
慢。情懷惱人。藍關怎不交雲橫嶺。

尾聲

為情人牽掛情朝思暮想珠淚傾恨殺多情不見影。

○好事近

思情

風月兩無功枉把心事勞騰巫山雲雨一去杳然無
踪隨風耐向樓頭更鼓聽沉罷尚兀自又打三釐釐
更長漏永便做歡娛夜短却共誰同。

錦纏道

信難通阻隔着雲山萬重。壓破兩眉峯。黯消魂。無情
無緒對着一盞孤燈。有愁來全仗着酒開。愁依舊醒
時還同。昏鼓又晨鍾。韶光荏苒歸期尚未逢。怕染滿

郎髻被他依舊笑春風。

普天樂

減芳容。愁越重。閑却了描金鳳。雕簷外。鐵馬玎琫。窓
兒外。絮聒聒的寒蛩。砧聲又攻。又聽賓鴻鴈聲。被他
咕噪長空。

古輪臺

恨無窮。西風滿索。取愁容。別來許久。無音信。看我寒
衣難送。寄與伊家。又恐怕迷却芳叢。誤我佳期。好天
涼夜。欲將心事問孤鴻。想當日。初共翠被寒時。復香
溫。釵橫金鳳。蓬松寶髻。蛾眉懶畫。別後苦匆匆。思前

事交人心下意冲冲。

尾聲

消消敗葉敲窓響。漸覺涼生一夜風。辨一炷明香達上穹。

○月兒高

送別

謾折長亭柳。情濃怕分手。欲上雕鞍去。扯住羅衫袖。問道歸期端的是甚時候。盟言未卜。未卜絞綃。透唱徹陽關。懽懽斟美酒。酒除非是你消愁。我只怕午醉方醒。情懷又依舊。

桂枝香

此首是平山見如
胡山伯

金纓疊翠。金粟粧墜花頭兒。最小香多。從有孫蘭芝。
蕙休誇素馨。并諸茉莉。江梅荷芰。此花占魁膽瓶。中
微微浸清香。暗暗知。

玉包肚

香飄金砌。喚了環輕。嬾移把花頭暗藏。在深處。香散
綺羅珠翠。可惜西風蕩空枝。花好何曾結果否。

調角兒序

好花枝。何曾結果。哥。財情人那里着迷。近新來不聞
箇信息。空交我守定孤帋。

尾聲

和別人甜如蜜。教奴獨自受孤凄。有日相逢自問你。

錦亭樂 漁隱

富春山子陵居。家傍在釣臺。流水遶孤村。映垂楊紫
門半開。有時節戴簪笠。掛羊裘。手執絲竿。紅蓼白蘋
洲畔。明月清風為伴。把春山當畫看。垂釣釣魚無限
清閑。

又

釣魚灣。繫扁舟。蓬窓半掩。風雨不相干。晚天涼日啣
在平山。提一箇酒葫蘆。步斜楊綠柳花間。有酒常時
來賣。我把魚兒來換。笑忻忻的。且放歡。一輪明月常

照嚴灘。

又

謝 皇恩詔書來不須用開。只為感 皇恩。懶龍門
朝禁闕在身。在世間細尋思。入朝班。穿紫羅欄。看
他 為官為宦。伴虎狼為伴。吉凶事掌上翻。龍顏怒時無
計遮欄。

又

虎頭牌夜將軍鉢甲過關。宰相每五更寒。爭如我埋
名在世間。看他每積金珠。戀虛名。到底成難。我且逍
遙散樵。有酒三盃五盃。在漁村里且放歡。山妻稚子早

晚團圓。

尾聲

醺醺醉了都不管三公不換此茅菴。萬古留名宇宙間。

○步步嬌 怨別

暗想當年。羅帕上把新詩曾寫。偷縮下鴛鴦結。他那心猿垂意馬劣。都將他那軟玉嬌香。嫩枝柔葉。琴瑟正和諧。不覺的花影轉過梧桐月。

沉醉東風

一團嬌水肌困歇。半含羞粉容輕貼。微笑對人悄說。

休忘了今夜等閒間。海棠偷折。山盟共誓。不許片時
暫歇。若有一箇負心的。着他隨燈便滅。

忒忒令

他慙慙將春心露泄。我風流寸心終拙。因此上楚雲
深鎖。巫山缺。休得後期暫別。烟山截。湘江斷。魚音
鴈帖。

好姐姐

自別。逢時遇節。冷淡了風花雪月。恁柔腸萬結。怎禁
窓外缺。無休歇。好一似珮環搖明月。又被西風錦帳
揭。

苑紅菊

渭城人肌膚瘦怯。楚天秋應難並疊。停隔了畫眉郎
京尹。補填了東陽嶺。滿缺。

園林好

也傷我連枝帶葉。致令得狂蜂浪蝶。少閒起歌臺舞
榭。回首處。楚雲遮。堪嘆處。彩雲賒。

川撥棹

成吳越。怎禁被人鬪跌。平白的送暖偷寒。猛可里搬
唇透舌。水晶瓦不住撒。點銅銹一味掀。

錦衣香

他將那楚館焚。秦樓拽。浴浦填。徑河截。梅家庄水確。
湯瓶打為磁屑。賈冲宅守定粉牆缺。武陵溪間花兒。
釘了椿楸。楚襄王夢驚。漢相如趕番車車。深鎖芙蓉。
缺。紫簫吹裂。碧苑花。鳳凰將翎毛生扯。

漿水令

嚮璫璫菱花碎。跌支楞爭餘絃斷絕。忔支支把同心。
帶扯。玳瑁寶簪斷拆。採蓮人偏把並頭折。比目魚。
就池中冷水燒熱。連枝樹生坎并撈起。御水流葉。藍。
橋下番滾滾波浪捲雪。祇神廟焰騰騰火走金蛇。

尾聲

饒均使盡機謀設止。不過負心的薄劣。夢兒里見他分說。

○綉停針

題丹桂

蕩起商飈。金井梧桐葉漸凋。幾番雨過涼天到。迤邐把扇兒慵搥。頭覺的紗厨里似水。風流處可憐娘妖嬈。耳邊低道。今宵好。今宵紉扇且停搥。涼似昨夜多少。祝英臺

畫堂深。人靜悄。秋意景偏好。風送暗香。丹桂芬芳。先占沁園秋早。開了。此時莫惜千金花前歡笑。賞心樂事須拚沉醉醕醕。望歌兒

天然枝枝朵朵堪盡描。此花有百媚千嬌。不減蟾光好。四出玲瓏花神恁般施巧。是則是花頭兒。須恁般小。惟有許多香得好。

閨寶蟾

折取向膽瓶安排了。香滿庭軒。恍若身在蓬島。皓齒纖腰。那更歌舞勸香醪。多嬌態。花枝時嗅微微笑。笑道勝如茉莉。賽過荼蘼。香似沉腦。

四般宜

攢攢簇簇。縷金銷枝。枝葉葉綴瓊瑤。點點滴滴顏色兒好。消消洒洒。恁清高。香徑裡紅圍翠繞。那堪更玉軟香嬌。月兒照。越恁好。佳人應笑嫦娥空老。

山馬客

玉露金風是他的故交。死良宵有約玳筵可邀。如花
貌。逞妖嬈。問道奴嬌。花貌嬌人。月閑嬌料想丹青怎
描。怎消得才人下筆詠嘲。

憶多嬌

花又好。月又皎。惜花人愛月。眠遲起早。暮暮朝朝不
離花貌。賞足花心。恁交殘英墜了。

江神子

且莫教兒童掃滿。斟一任玉山倒。醉顏花下眠芳草。贏得滿身
蘭麝異香飄。丰韻好。

尾聲

觀花愛月人年少。但對酒當歌。勸笑月夕花朝。休教錯過了。

○一封書

春景

皇明陳壽

池水泮乍暖。小梅枝春尚淺。東風正峭軟。受餘寒簾
半捲。菱簇青絲。煩纖手勝剪。金花媚綺筵。花燈正懸
酒盃謾傳。燈列星橋。酒似泉盃深勸。歌謾演。燈毬低
轉。舞腰旋。魚初躍。鶯乍轉。半晴半雨。養花天。

皂羅袍

望裏誰家庭院。向亂紅深處。送出鞦韆。絲繩高掛綠
楊烟。金蓮顛倒空中見。王孫牆外暫停錦鞦。佳人牆
內雙凭玉肩。無情半晌空留戀。逢歡處。衣笑典。一春
長費買花錢。駢珠翠。雜管絃。玉樓人醉杏花天。

勝訪廬

寶馬青衫。裊玉鞭。花枝重帽簷偏。十里湖堤平似掌。
草茵青展。留與遊人醉時眠。斜陽下。歸路遠。銅鞮齊
唱馬頭前。尋春事。到水邊。樓船人坐鏡中天。

樂安神

蝶愁蜂怨。東皇容易老。盡芳妍。落花臺榭有啼鶯。輕
風巷陌飛鷓鴣。一刻休虛度。東燭向西園。醉後重開
宴。詩頻詠。髭笑撚。清狂俱是飲中仙。春歸去。最可憐。
楊花榆莢自漫天。

尾聲

試霜毫臨端硯。好吟詩句記流年。覓取鵝溪十丈箋。

○一封書

秋景

前人

驚一葉墜井。陡覺新涼夜半生。歎珊瑚枕夢醒。碧紗幮暑氣清。洒面荷香綃袂爽。雲鬟參差釵玉橫。下空庭露華零。唧唧寒蛩草砌鳴。蕭條意。遲暮景。這般幽怨幾曾經。

皂羅袍

笑語西樓相應。看穿針乞巧坐待天明。蛛絲瓜果謾爭能。寧知巧拙天分定。牽牛織女迢迢兩星。銀河一水悠悠。兩情娉娥誰與憐孤另。花陰下款款行。戲拈

羅扇打飛螢。蕭條意。遲暮景。這般幽怨幾曾經。

勝葫蘆

絳蠟秋光冷畫屏。剛吹斷紫鴛笙。怕見梧桐雙瘦影。無端孤月。又在梧桐缺處明。吳山翠。楚樹青。天涯望斷幾長亭。蕭條意。遲暮景。這般幽怨幾曾經。

樂安神

愁人厭聽西風。一片搗練砧聲。試將郎意比浮萍。萍踪穩似郎心性。欲把寒衣寄。無限別離情。遠道誰堪倩。風和雨。不肯晴。紛紛落葉滿江城。蕭條意。遲暮景。這般幽怨幾曾經。

尾聲

强支持厭漸病。晚來悶把小闌凭。欲折黃花力不勝。

○一封書

冬景

前人

朔風勁透幙。布被嚴寒曉漸加。同雲布四匝。玉琮琤
鳴萬瓦。幾點沾衣輕忽聚。成陣漫天橫。又斜遍天涯。
淨無瑕。頃刻園林盡試花。銀葩亂玉蕊雜。素鷺白鷀
舞交加。門深閉。盈笑把背將樂事讓豪家。

皂羅袍

柳絮才高誰和倚。西樓日晚。野興偏多。漁翁獨釣擁
寒簑。千山那有飛禽過。未知來歲。變熟幾何。問渠農

事遺煌有麼。宜時且把豐年賀。醒而醉。一任我絕勝。
錦帳宴笙歌。門深閉。盃笑把。肯將樂事讓豪家。

勝葫蘆

狂解鷄裘付酒家。酒盡後喚重賒。滿地瓊瑤未經掃。
莫教踏碎石鼎呼童。謾煎茶。冰誰剪。鹽亂撒。銀盃逐
馬帶隨車。門深閉。盃笑把。肯將樂事讓豪家。

樂安神

凍驢須跨南枝梅信。泄漏年華。溪橋村路。景偏佳。豈
惟江上堪圖畫。散漫飄僧舍。詩句詠無差。還密把歌
樓酒。凝眸處。多半霎。光搖銀海。眩生花。門深閉。盃笑

把肯將樂事讓豪家

餘音

日高時還疆臥。閑中歲月暗消磨。寄語高軒莫見過。

商調○三十腔

祝壽燕享

無名氏散套

喜遇吉日。長庚現綵雲縹緲。看廳前玉樹又生瑞草。
座筵得蒙見招。聊以一彎翡翠尖兒巧。刺繡圍金底
面小。願祝花貌。一雙兩好。百歲來同諧老。五百年前
分定了。結會在今朝。琴堂此日華誕節。捧一盃添壽
考。似玉樣潔。似花樣嬌。世之無瑕寶。洗兒華筵吉辰
今朝。余門喜氣。淘淘落索。環子繫鮫綃。惟只願壽如

山福似海。兩榮耀。玳筵歡聲不少。正西池王母乍離蓬島。茜衣仙子獻仙桃。他是駟馬夫人誥。鳳冠雲佩。玉人捧逸金章紫綬。重回故道。斑衣共樂風光好。禮不周反。仍激惱。據人情戒莫深較喜。遇官善政民無擾。願國泰雨風調。玉麒麟果應熊羆兆。到得如今大喬何如。小喬增添強裸。似光祖考。堪繼于門紫金貂。龜鶴呈祥。戲亭沼。松柏連理有下梢。禾生雙穗。鳳來巢。比翼似鸞鳳交。簾影花顛倒。歌韻聲啾繞。舞徹楊柳小蠻腰。曲尺霓裳羽衣調。回首雲樣宮花落。畫堂深。庭院杳。寶爐沉烟香正裊。捲上綉幙珠簾從他燕子來。

巢靚面絳色夭。飛似燒。最好見蝴蝶一對對飛。遊戲
逢吉席對花朝。和琴瑟。樂笙簫。放下懷開口笑。拚却
酩酊金樽倒。從交紅杏枝頭開。富貴長得似三春休
交杜宇聲先報。

餘音

香不斷。芳花不老。福如東海壽彌高。盡老齊眉共歡樂。
○商調綉帶兒

擬十絳錦

幽窓下沉吟半晌。追思俏的嬌娘。娉婷處不若似鶯
鶯。妖嬈處可比雙雙。

宜春令

非獎最堪誇他那性格兒溫柔難描他那諸餘停當
說不盡風流可嬉萬般模樣

降黃隆

想當想當我在月下花前吐膽傾心把誓盟深講行
思坐想望盡老今世同効鸞凰

醉太平

誰想默然平地浪波生信知道任從天降霧迷雲障
被博麼歐苦打折開鴛帳

浣溪沙

情慘慙添悵快閣不住淚珠汪汪勞神役志鎮端詳

尋思那人情怎忘。設計施方要見時。除非是夢兒里
來到我行。

啄木兒

憐香倚玉相偎傍。尤雲殢雨笙歌唱。被教聲疎雨敲
窓。散高堂春心蕩漾。

鮑老催

此情怎忘羅衣尚存。蘭麝香。寫殘仗托紙半張。人何
在。慢嘆息。空惆悵。惱得潘郎兩鬢霜。

下山虎

咱這里因。因他那里狂蕩。他因咱痛感傷。幾番欲待

不思量欲待不思量你後怎做的鐵打心腸。

雙聲子

江淹悶韓生念怎比的咱家悶千般恨纔離了心上
又早來感在眉尖天還愛憐便咫尺相見又且何妨
餘音

情人早得同駕帳免使心勞意穰熟名香恭謝上蒼
商調○綉帶兒 祝讚

皇明無蓋散套

乾坤定民生遂養梯山航海來王先正務禮樂宣明
應 天心大整綱常。

宜春令

皆仰。續鴻臚正大光明遵

成法萬年興旺重儒

道有蕭曹房杜予弼吾

皇

降黃隆

無荒無荒。旰食宵衣寅畏嚴恭把這

聖學進講

堯謨舜典章孝傳

慈闈道繼文王。

醉太平

永享萬年畿甸勝磐石枕居庸京師屏嶂大河南漾
左滄溟淵淵右擁太行。

浣溪沙

望

帝闕如天上。單鳳城瑞靄洋洋。端居九五鎮

千邦天生 聖人化萬方。風雨時年年歲登。皆因
是 聖明主治道彰。

啄木兒

捧盈執玉朝廷上。仁文義武無偏向。威福兼開擴封
疆。罷刀鎗。人民樂康。

鮑老催

我 皇。禹湯漢高。大度欠對當。周文兢業惟畏惶。
思創業謹守成。絕逸放。感應 天庭屢兆祥。

下山虎

景星明慶雲飄蕩。騶虞現甘露。滾錦獅玄兔。自外邦。

鳳凰與麒麟雙至紫芝瑤草生光。

雙聲子

風俗厚。彛倫正。固根本。儲皇立。千千秋同心奉養輔。
當今端拱垂衣佳時宴樂便朝朝對景遊賞何妨。

餘音

大明一統山河壯。遍道路謳歌擊壤。蓋寰宇祝賀
聖皇。

○黃鍾降都春

南西廂記夜月聽琴

無名氏

團圓皎皎見冰輪晃然初離海嶠仔細思量怎不交
人長不老月過十五光明少怎負我青春年少滿懷

心事一春怨恨，有誰知道。

入兩庚

南

庚壬

出隊子

是我幽幽居在古寺，景荒涼、人靜悄。晝長無奈夜迢迢，都只為兩般兒，交人心下轉焦。怕的是鐘送黃昏，雞報曉。

鬧樊樓

孤身先自添煩惱。夜永淒涼，眼前難熬。老樹啼烏遶野寺，哀猿叫。駕禿畔，滴溜溜敗葉兒飄。響瑤瑤，珞珞瑤風鈴兒，聞聒噪。

滴滴金

窓前皓月偏來照，便做鐵石人也瘦了。悶懨懨，怎生

眠一覺。恨悠悠。空懊惱。離情悄悄。問懨懨。怎生捱
到曉。此生怎過。撲簌簌。淚拋。

畫眉序

欲成範鳳鸞。交甚物。將人夢驚覺。是誰家。別院故
把琴調。方纔待絃續。鸞膠。誰想道。風吹別調。靜聽句
意十分妙。風光霽月逍遙。

啄木兒

絃中正。指下高。是餘音太古雅操。拍托勾剔。打抹挑。
泛聲韻。法度好。輕如點水蜻蜓繞。鬧如夜宿烏鴉噪。
小澗涓輪音。吟揉似仙音鶴鳴九皋。

三段子

夜深靜悄。此曲中有才調。指法更好。此琴中果奇妙。
伊家怎曉。高山流水知音少。怎附與相如知道。使文
君春心蕩了。

雙聲疊韻

聽別院聽別院。漏聲漸杳。香風靄。楚雲縹緲。告天告
天天。還知道。願逢冰上人。月下老。早交我一雙雙。團
圓到老。

下小樓

駕車駕車。嬌姿來到。似嫦娥下九霄。舉人福分怎生

消閑把瑤琴一操。異日須會題橋。

耍鮑老

夫人小玉都睡了。莫辜負好良宵。望天外月如洗。庭砌邊花陰遶。韶華半老。雙徑小。蹊花秀草。樓閣侵雲表。風清月皎。山隱隱水迢迢。閑把湖山靠。羅襪鞋弓小。雲環亂金鳳。翹慢行休囉。只恐怕外人瞧。

餘音

潛踪躡足行來到。切莫使夫人知道。天與的榮華富貴到老。

○香遍滿

四季閨情

紫陌紅徑。丹青妙手難畫成。觸目繁華如鋪蜀錦。料應是春負我。我非是辜負春。為着心上人對景越添悶。

東歐令

花零亂。柳成陰。正是蝶困蜂迷。鶯倦吟。方纔眼靜心兒里。忘了想。啾啾唧唧。呢喃燕。重將宿恨宿恨。又題醒。撲撲簌簌。淚珠暗傾。

四團花

悄悄的庭院深。默默的情掛心。涼亭水閣果是堪宜宴飲。不見我這情人和誰。兩箇開樽把絲絃再整。將

琵琶自撥是奴欲寬悶情爭只倦聽

東歐令

榴如火。感紅巾。有焰無烟燒碎我心。懷羞向前欲待
拆。一朵觸觸捻捻不堪待。怕奴家花貌不似舊時容。
害的我伶伶仃仃懶簪。

梧桐樹

梧葉兒飄。金風動。漸漸害這相思。落入在深深井。一
日一夜長難捱。孤枕懶上危樓望情人。未必薄
倖與奴家心相應。知他你那里那里貪歡戀飲。

東歐令

金丁第
菊花綻桂花零如今露冷風寒秋意漸深驚聽得窓
外幾聲孤飛鴈嘹嘹歷歷如人訴最嫌花下砌畔小
蛩吟。咕咕聒聒惱碎奴心。

浣溪沙

風漸急寒威凜害相思最恐怕黃昏沒情沒緒對孤
燈窓兒眼數教還在輪畫角悠悠聲透耳一聲聲更
噓難聽愁來把酒強重斟酒入在悶懷珠淚傾。

東歐令

長吁氣兩三聲斜倚定幃屏思量看那一箇人一心
指望夢兒里畧畧的重相見撲撲簌簌雪兒下風吹

的箬馬把我夢兒驚。玳玳瑤瑤惱碎奴心。

尾聲

盼情人牽掛心。朝思暮想珠淚傾。眇殺多才不見影。

○伊州三台令

怨別

思量你好辜恩。便忘了誓盟。遇花朝月夕良辰。好交我虛度了青春。悶懣懣把欄杆凭倚。凝望他全無箇音信。幾回自忖。多應是我分薄緣輕。

黃鶯兒

誰想有這一程。減香肌。憔悴損。鏡鸞塵鎖無心整。脂粉懶勻。花枝懶簪。空交我黛眉蹙。破春山恨。最難禁。

譙樓上畫角吹徹斷腸聲。

集賢賓

幽窓靜悄月又明。恨獨倚帟屏。暮聽的孤鴻樓外鳴。
把離愁又還題醒。更長漏水。早不覺燈昏香盡。眠未
成。他那里睡得安穩。

雙聲疊韻

思量起。思量起。怎不上心。無人處。無人處。淚珠暗傾。
我怨他。我怨他。說他不盡。誰知道。這里先走滾。自恨
我當初不合認真。

簇御林

人都道人都道他志誠。却原來廝引眼睜睜。心口不
相應。山誓海盟。說假道真。險些兒為他錯害相思病。
負心人。看伊家做作。如何有前程。

琥珀猶兒

日疎日遠和你再相逢。枉了把痴心兒寧奈等。想巫
山雲雨夢難成。薄情猛拚今生和你鳳拚鸞分。

尾聲

冤家下得忒薄倖。割捨的將人孤另。那日裏恩情番
成做畫餅。

○恨更長

憶別

這悶懷和誰論。長嘆數聲。良夜迢迢更長漏永。幾回
夢裏成婚姻。難捱這苦。淚盈盈。喫盡了多勞頓。鴈無
音。魚斷。沉好交。我便終朝愁悶轉生。

啄木兒

交人恨恨那人。把關山阻隔音信。生怕黃昏愁怎禁。
獨自箇受岑寂。尋思斷魂。儀容瘦減。只為您恩情俏
伴。盡落井。便下得。將人孤另。畫忘食。看看病沉。

鮑老兒

夜長枕冷。羅幃幃燈半明。看人怎不憶那人。愁只聽
聽更長人寂靜。相着美兒情正深。默忽兩下鷺鳳分。

憶着他空成疾病。

尾聲

姻緣好似一春夢。惟有相思說不盡。每夜燒香禱告神。

○好事近

賞春

東野翠烟消。喜遇芳天晴曉。惜花心性。春來又起得。偏早。教人採取。問東君肯與春多少。見了環笑語。回言道。昨夜海棠開了。

千秋歲

杏花梢間着梨花雪。一點點梅豆青小。流水橋邊我只聽得賣花聲。聲聲頻叫。鞦韆外。行人到。我只聽的粉

牆內佳人歡笑。笑道春光好。我把花籃兒旋簇食壘高挑。

越恁好

開花深處。滴溜溜的酒旗招牡丹亭左側。尋女伴。闢百草。翠嵬嵬的柳條。忒楞楞曉鶯兒飛過樹梢。撲簌簌亂舞。翩翩粉蝶飛過畫橋。一年景。四季中。惟有春光好。向花前暢飲月下歡笑。

紅綉鞋

聽一派鳳管。鳶簫見一簇翠圍珠繞。捧玉樽醉頻倒。歌金縷。舞六么。任明月上花稍。

尾聲

從教酩酊鬢草。高把銀燭花下燒。韶光易老。休把春光虛度了。

○瓦盆兒

閨情

教人對景無言終日減芳容。恨感破翠眉峯。未知道他垂楊何處繫青驄。不想他近鶯花冷淡了。芙蓉含露空交我。為他時終朝悶轉增。好交我越添了疾病。枉了我行時思坐時想。成孤另。我罵你箇薄倖無前程。

泣榴花

相思終日有十二箇悶時辰。空目斷楚臺雲。見寒鴉

聲裏報黃昏。香消誰焚。被冷誰溫。行思坐忖。料同交
寡。宿孤辰。運一身愁。兩下里平分。不恁的。怎生安頓。

喜漁燈

幾番欲把金錢問。恐無定準。今春病不減。前春多一
半。為均為均。好事縈方寸。東風掃春夢。勞魂因循。看
着的。瘦損比梅花消瘦幾分。

尾聲

重占卜。頻問神。暗想當初。思舊情。好似楊花水上萍。

○梁州序

南田廂記

無名氏

三伯六十先賢留下箇中一路難摸。暮逢敵手作者。

怎施謀畧一任交他沿邊點視。引人門來也便与他單關却怕他衝開打斷要奪角我路強。他路弱笑形勢怎收縛。

又

前言虛諾後期難托箇中一子伸脚從他有眼也遭我在暗中敲打。琴裏曾經寒翼今夜在碁邊我便也要還一着。早早斜飛免致受逼綽局面離披拈甚麼一子悞滿盤錯。

又

聽語言皆不如昨。莫不是他假撇真將咱十分悞落。

寫新詩特地赴汝盟約汝可吾須不可秉燭顏叔料
想你也應難學鑛穴踰牆賢者有其樂洞門依然有
鎖鑰龍門上且一躍。

又

你既讀孔聖之書必達取周公禮樂早回身免致兩
相擔各孟母曹娥太剋剝將人戲謔迤逗得他相思
病方纔下妙藥。

餘音

是你當初先許諾到此如何悔却免致嗟嗟兩下惡

○商調金落索 應制

無名氏散套

河清海晏然。甘露降。靈芝現。方物皈依。因此上開文
選。皇圖鞏固。基永綿綿。航海梯山朝。帝輦瑤樓
玉宇。堪稱羨。因此上扶立當今聖世全。風雲會河出
圖。處處湧甘泉。聽齊臻臻玳瑁。巡前笙歌闕闕。讚當
今皆慶賀。昇平晏。

香歸羅袖

氤氲香。靄龍樓金殿端的是。錦綉城池。真乃是蓬萊
仙院。擁皇都帝京。擁皇都帝京。蠻夷朝獻。千邦納
土。至心堅。強文壯武。宰臣賢。修理文經傳。干戈併息
滅狼烟。寶殿通華蓋。珠樓接禁苑。

皂羅袍

列綺羅笙歌相間。擺珍羞食品菓木時鮮。寶爐香細
麝龍涎。羣仙隊裏三星現。雲幢綉蓋陳設兩邊。珠圍
翠遶陳設兩邊。風雲慶會金鑾金殿。

尾聲

武精忠。文直諫。賢臣肱股仰天顏。永保皇圖億萬年。

○春雲怨

金鑾景

壽比南山福如東海。則見南極到來。看了這玉爐香
裊。福祿下瑤階。斟玉液美酒安排。衆群仙駕祥雲五
彩。慇懃玉女執金臺。動仙音儘交放懷。快哉好似遙

宮界尊前擺列金鈿。

三春柳

風清月朗雲霧靄更勝似閨苑蓬萊百味珍羞迤邐
排勝瑤池別樣格珠簾外寶殿內瑞氣金光分五色
翡翠樓神仙界御河試看金蓮並蒂開。

醉羅歌

看了這景堪人愛瓊島春陰照金臺疊翠居庸似
錦綉排翫霽雪西山白薊門飛雨勝跡見在秋風太
液勝跡見在蘆溝曉月遙天外山明秀千萬載玉泉
垂紅出金臺。

尾聲

感皇恩。乾坤大遼。齡萬道慶雲開。願祝吾
皇萬萬載。

○鴈過聲

納涼

赤帝當權耀太虛。無半點南來薰風意。任吞冰嚼雪
成何濟。扇頻揮。汗如珠。空徹損玉骨冰肌。移身傍翠
微。使兒童撼竹求風至。煩熱也得却片時。

風淘沙

閑倚雕欄日漸西。看鴛鴦戲。連漪不覺夜涼生。衣袂
見。泮開月破水。金波影轉。翠擎叢裏。臉籠霞暎妖

燒並頭蓮蒂芳心。可惜不解語。爲誰恁凝佇。

風淘沙

爐爇沉烟香院宇。消洒處精神爽。情意舒簪茉莉賦新詩。此景有誰知。何須設枕簟共紗厨。

一撮掉

清宵短。樽前好傳盃盞。白晝永。酷暑怎當敵。願得譙樓上。銅壺漏休催。三兩盞。何妨夜眠遲。

餘音

銀河動。玉露滴。且向南窓少憩。明夜裏納涼又這里。

○二郎神

七夕

炎光榭。漸淅淅金風動也。瑩素練銀河。渾似瀉長空。
萬里寂然。雲漢消洒。爽氣豁淒情。絕點瑕。稱開懷傳。
盃弄竿。願天上人間。占得歡娛。年年今夜。

刮古今

七夕遇令節。女宿牛星歡會也。相慶處人間天上。況
此情怎盡說。今夜共歡悅。相別又堪月。又缺。重逢相
見。將這彩樓結。只聽得鴉鵲噪叫。啞啞。

黃鶯兒

深夜浸沉沉。觀天河白似銀。正雙星牛女傳芳信。金

蓮步輕。月下志誠好。向彩樓高處。慙問大家虔誠。
拜月瞻星。乞巧同穿繡針。

尾聲

年年此夜同歡慶。相會處。今宵節令。金井梧飄玉露
冷。

○賀新郎

端陽

雨歇梅天。感紅巾海榴如火。聽湖中數聲鼙鼓。還憶
著。舊日三閭楚大夫。解獨醒。名傳萬古。破雪藕。沉水
菓。細切菖蒲泛玉。開樽俎。歡宴也。慶重午。

賀新郎

乳燕雙雙語雕梁對人如訴採蓮舟棹入在西湖奪
標處浪滾雪花上下舞看兩兩龍舟競渡插艾虎懸
硃符繫百索帶綰同心縷百歲裏鎮歡娛

節節高

雙雙畫梁輕戲蓮漪荷花蕩裏同一醉真得趣選半
開拆一朵碎拈花辦打獨則箇休得上心生疾妬鷗
鷺雙雙點萍蕪一鉤新月照荷花浦

尾聲

醺醺共入紗厨卧簾紋如水勝冰壺人問快活到大福

○畫眉序

西湖

湖景畫難摹。天巧誰能逞。毫素美名誇。兩浙勢壓三
吳。縹緲見雲氣相連。斷續有嵐光。能補豈無富貴繁
華處。那有此中佳趣。

畫眉序

畫舫最寬舒。日有遊人載歌舞。映長堤翠柳。淺水紅
蕖。就船買魚筍。芳鮮隔岸。送鶯花媚嫵。四衢不礙登
山路。車馬任他來去。

畫眉序

人物盛文儒。世代傳留好名譽。有鄴侯李泌。處士林
連。香山老風月襟懷。東坡叟文章肺腑。也須多得湖

山助不枉後人傾慕

畫眉序

宋室此曾都。鳳舞龍飛應南渡。嘆昔時行在此日荒
墟。五國城滿目。蒼烟萬松嶺。傷心黃土笑渠興廢難
逃數。枉自虎爭雄據。

神仗兒

傷今慨古傷今慨古。一成和議竟失廟謨。自損擎天
玉柱。可惜神州不復使人懷楚。但淚灑岳王墓。

神仗兒

徘徊看取徘徊看取。層巒疊嶂各獻畫圖。變幻陰

晴朝暮隱隱六橋環繞鴈汀鷗渚更何地認蓬壺

滴溜子

靈隱寺淨慈寺梵王戒宇石屋洞棲霞洞高士隱居
到此頓消塵慮躋攀未可休再穿徑塢布被青鞵豈
憚去途

滴溜子

南高峰北高峰斷霞千縷上天竺下天竺怪木萬株
戀景還宜進步分明人世中埋沒洞府回首南屏轉
覺路迂

雙聲子

南 丁酉
閒時和閒時和前輩春行句休感傷休感傷舊日冬
青樹人已娛人已娛鳥更呼鳥更呼愛如簫舌弄濕
人笑語。

雙聲子

疑眸觀疑眸觀暝色浮尊俎側耳聽側耳聽遠浦鳴
簫鼓日漸晡日漸晡興未孤興未孤更無妨待月片
時延佇。尾聲

主 此湖此賞休輕負好會合詩朋酒侶擬准重來作地

○好事近

春賞

和氣斗回杓積雪迎春初消日行東陸雨潤土脉如
膏堪宜晏賞往來車跨馬踏芳草見遊人遍滿東郊
幸際遇萬方熙皞

泣顏回

大長春風與淑氣上花稍正臘日景豐饒我則見這
今飛來往燕管巢殘梅未落綠柳嬾長條東風嫋嫋
趁鶯歌蝶舞堪歡笑嬌滴滴萬紫千紅喜孜孜滿泛
香醪

千秋歲

泛香醪向這名園嬉戲賞韶豔杏夭桃絃管樓臺我

則聽得是處歡聲繚繞街衢上游人道幸生逢着
聖明主昇平之兆四海民無擾盡今生暢飲沉醉陶

古輪臺

舞颿颿柳花綿紛紛亂落酒興助詩豪最難描尋芳
拾翠綠嫩紅嬌好青春休交負了青春去甚覺重遭春
無價晏崇簡載酒龍笛間鳳簫歡賞真佳樂謝吾
皇寬厚賽唐堯

越恁好

幕天席地密匝匝擺列着聽黃鸝紫燕曉曉語關聲
巧被春風料峭見招飈酒旗牆外搖遇良辰美景笑

吟吟往來踏青闌草。欣遇臣宰賢。感謝吾
皇有道。太平年罷戰。雨順風調。

紅繡鞋

官清正。民省差徭。聖恩寬大。開學校。遇佳辰。值良
宵。荷帝主德過湯堯。攝萬國盡來朝。

尾聲

名香滿。藝沉烟裊。祝願吾皇聖壽高。花朝月夕。四
季無過春光好。

山桃紅

大明一統錦華夷。萬國來朝會。起八方進奉拜。

丹墀正遇着豐年太平日。百姓每樂雍熙。麥雙歧。鳳
來儀。穀雙穗也。黎民堪羨。產靈芝。路不拾遺。

紅納襖

太平年皆慶喜。賽堯年過舜日。普天下風和。路不拾
遺。遍乾坤宇宙禾稼齊。千邦朝帝基。萬國來進禮。
來進禮。丹墀列左右羣臣。高呼着萬歲。

憶多嬌

拜紫微賀聖德。週違兩行排着錦衣。寶殿筵開。珍
羞百味。動仙音。果然是聲清韻美。

耍厮兒

動仙音。齊聲韻美。有鳳笙象板。龍笛金縷。紫簫音韻。
齊。香裊篆紫金猊。堪耳。

聖樂王

進御食。動樂器。列宮商。左右捧金盃。錦繡堆。掌扇圍。
似蓬萊仙苑。勝瑤池拜。聖壽福天齊。

餘音

珠樓寶殿。香風細列。綺羅珍羞。奇異堪註。在丹青圖。
畫裏。

○忒忒令 四季

柳搖金。大桃破。藥闌花。粉蝶雙飛。千紅萬紫。春光媚。

忽聽的曉鶯啼尋芳拾翠杏花天玉樓人醉金勒馬嘶遊人似蟻只聽得這柳陰中笙歌沸起。

五供養

春光正美悄不覺得暑氣相催使兒童類撼竹猶兀自火雲飛向涼亭水閣正可宜浮瓜沉李散髮紈扇斟醪醕翠盞輕遊魚戲水。

江兒水

又早三秋至塞鴈飛牛星女宿重相會只聽得搗杵砧聲聒得鄉心碎最淒涼階下寒蛩唧桂子香飄拂鼻葉落丹楓滿目黃花鋪地。

川撥掉

朔風起。布同雲。飄玉梅。獻禎祥。堪賞。題韓退之藍關路。迷子猷。船訪戴。歸。

川撥掉

孟浩然。尋梅溪。見高。伍上下飛。半空密。洒歌樓。遍世界。銀粧粉砌。向紅爐。煖帳裏。

尾聲

裁冰剪雪。禎瑞。飲羊羔。共同歡會。端的是。翠繞珠圍。

○畫眉序

元夜

皇明陳泰

花月滿春城。燈火輝煌。月華明。看人間。幻出閨苑蓬。

瀛花燈燦表裡冰壺。明月好團團。金鏡帝京正值
元宵令歌謠五穀豐登。

畫眉序

簫鼓動春聲。綵結鰲山謾施呈。有雲鬢翠袖嫋娜娉
婷。人叢裡素手相携。燈影下香肩相並。帝京正值
元宵令歌謳五穀豐登。

神仗兒

良辰美景。良辰美景。燈月千門。煙花萬井。彩樓珠樓
相稱。有闌竿百尺倒掛絨繩。高點起萬枝燈。似落下
滿天星。

神仗兒

燈兒有名。燈兒有名。下下高高。齊齊整整。一盞牡丹
羣花蔭定。更芙蓉幽蕚。碧桃紅杏。金蓮沼水。澄澄琉
璃塔。焰騰騰。

滴溜子

梅花燈。梅花燈。暗香疎影。雪花燈。雪花燈。玉絮冰清。
綉毬同心。方勝流蘇。落索垂。撒花蓋頂。傑閣重樓。千
層萬層。

滴溜子

魚龍燈。魚龍燈。影動畫屏。觀音燈。觀音燈。柳枝淨瓶。

巧粧諸佛諸聖。光明火焰中。神通太逞。三教百工行行等。

鮑老催

日華月精。金雞玉兔。裁剪成雲霄望。慶鐘敲鳴。燈花爛。燈影斜。燈光映。圓燈宛轉。方燈正。畫燈五彩。紗燈淨。火傘兒紅袖柄。

鮑老催

虎燈象燈。駕燈鷺燈。都象生蝦燈。蟹燈。都象形羅綺叢。錦繡圍笙歌競。佳人繡轡穿芳徑。王孫寶馬敲金鐙。堪寫入丹青幀。

雙聲子

人歡慶。人歡慶。預把佳期定。酒謾行。酒謾行。擺列華
筵盛。奏錦箏。奏錦箏。和鳳笙。和鳳笙。任醺醺。那管夜
闌人靜。

雙聲子

宜時令。宜時令。巧剪金花勝。烟靄輕。烟靄輕。香裊黃
金鼎。碧漢傾。碧漢傾。斗柄橫。斗柄橫。任醺醺。那管夜
闌人靜。

餘音

盤桓且盡。今宵興。托賴看吾。

皇聖明歲歲年年賀太平。

○好事近

四季

天氣煖如春。東風似轉紫門。牆頭紅杏。朝來已破三分。吟魂醉魄。誤年光。少訝芳菲。近待携壺慶賞。佳辰。郊原外。那有游人。么

俄聞歌管在東隣。何堪舊隱倦客孤身。年時蹀躞。軟紅十里香塵。無言自哂。對玄冥。錯把東皇。認嘆山居冷落青尊。笑豪家。醉倒紅裙。

普天樂

撚吟髭。搔吟鬢。細麝和逋仙韻。雖然是無雪。無梅。紙

窓明那有纖塵寒威悄無愛銀屏燭彩斗帳爐熏。

古輪臺

恠天孫不將伎巧付滕神浩然枉自騎驢去梅花無
信瘦聳双肩歷遍幽壑荒村點檢冰壺幾宵不凍布
衾何必倩人溫且新篴佳醞忘情三五知音圍爐談
論消除閑悶。盡日到黃昏。唐簷外先自湧冰輪。

餘音

無眠坐數更籌。盡恐有山陰乘興人。付兒童莫閉門。

○南呂金索掛梧桐

春景

無名氏散套

殘紅水上飄。青杏枝頭小。燕子來時綠水在人家遠。

八
戊辛
南
公金
天涯何處無芳草。牆裏鞦韆聽得牆外行人道。牆外
行人聽得牆裏佳人笑。正是多情却被無情惱。

東甌令

桃花落。柳絮飄。麗日和風天氣好。鞦韆罷。閑行樂。
重整羞花貌。蘭堂開宴列笙簫。逢佳節。樂醕醕。

皂羅袍

此景不寒不燠。見千紅萬紫。巧筆難描。紫燕黃鸝語。
聲嬌雙彩蝶。花間遶。閑行遊玩。踏青開草。香車宝马。
馬不解路遙。尽今生賞玩同歡樂。

餘音

寶爐中沉煙裊。歌聲弄沸透清霄。玩賞遊春直到老。

○商調恨更長

端午

夏日長。薰風蕩。蘭舟益舫。避暑涼亭。歡娛宴賞。柳陰
樹底傳盃弄。盞蒲角黍。泛瓊漿。聽鼉鼓聲嘹亮。度
龍舟波蕩漾。十里風飄菡萏香。

啄木兒

雕梁上乳燕雙。聽蟬聲共噪斜陽。統扇頻搖枕簟涼。
我這里見鷗鷺翠蓋底。藏榴花噴火似錦囊。搯觴白
酒齊歌唱。避兵符斜簪玉項。慶端陽偏宜晝長。

鮑老兒

八〇戊癸 商 尾
洞天畫堂金釵翠袖列兩行。慙慙滿捧持玉觴。笙歌
奏管絃齊聲唱。亭臺昼閣間綠窓。蓬萊閭苑後天降。
更勝似人間天上。

餘音

一年好景人皆望。堪觀處。高層疊障。快樂歡娛。賴上
蒼。

詞林摘豔卷之二

南九宮終

乙集